



**I**oannes apud Heluetios natus, & in bonis literis educatus est. Cum is prima rudimenta didicisset, sese studiorum amore Tigurum cōtulit, atq; linguarum cognitioni, & sacrae lectioni magna diligentia incubuit. In primis uerò Historias euoluit, atq; earum usum sibi familiarissimū reddidit. Accedebat & uitae innocentia & rara eloquentia. Itaq; cum talis esset, minister Ecclesiae in agro Tigurino constituitur. eam functionem is dextrè expediuit, & cunctis bonis gratus extitit. Cum quoque talis esset, in Historijs plurimū laborauit, & Concilium uniuersale Constantiense Germanico sermone descripsit. Postea quoq; Heluetiae totius

exactam Historiam ex uarijs authoribus, Chronicis, & annalibus magno labore collegit, tabulas locorum exquisitissimè adiecit, atq; magna laude Tigurini tomis duobus anno salutis humanae 1551 ædedit. quo quidem opere patriam suam plurimū exornauit, atq; apud omnes magnum sibi nomen comparauit. Con. Gess.